

& in suo corpore, antequam moreretur, revertuntur. Hic lapis iterum evomitur à Saturno cùm albescit, atq; tunc in Heliconis apice statuitur pro monumento mortalib. ut Hesiodus scribit: sub nigredine enim albedo revera latet, quæ ex vêtre ejus extrahitur, hoc est, ex Saturni ventriculo. Hinc Democritus, Mundifica stānū cum præcipua ablutione, extrahe ab eo nigredinem ejus & obscuritatem & apparebit candore ejus. Et in turba dicitur: Jungite siccum humido, id est, terram nigrum cum aqua sua, & coquite, donec dealbetur. Id Arnoldus in novolumine cap. 4. optimè declarat cùm inquit: Humiditas ergo quæ curabat in decoctione nigredinem, se desiccata ostendit, dum color albus incipit apparet: Et paulo post. Et dixit mihi magister meus, quod ista brusitas ascenderat, quod albedo extrahebatur à nigredinis ejus ventre, sicut in turba dicitur. Cùm enim videris ipsum nigrum scito quod albedo ipsius in ventre nigredinis primo apparentis occulta est. Eadē nigredo ut Saturnus dicitur, sic & plumbum: Inde Agadimon in turba: Coquite es donec exeat nigredo, quam numum vocant, & res artis nostræ bene miscete & invenietis nigredinem statim, quæ est plumbum sapientum, de quo sapientes in suis libris multa tractavere: Huc Emigani dictum spectat, quod Saturni splendor dum scandit in aëra, non appetet, nisi tenebratus. Et Platonis in rotario; Primum regimen Saturni est putrefacere & soli imponere: Ex quib. constat longè aliam esse mentem Philosophorum: cùm de Saturno quid dicant, quām à vulgo accipiatur. Hic Saturnus generat Jovē, id est, fuscum albedinem, Jupiter ex Latona, Dianam, id est, perfectam albedinem, & Apollinem, id est, rubedinem; Et hæc est colorum omnium perfectorum successiva permutatio: Hic lapis à Saturno ejectus pro monumento positus dicitur mortalibus in montis cacumine, quod verissimum est.

Hij Das